

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-106-10/21

Datum: 22.11.2021. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda **d o n o s i**

O D L U K U
o izboru najpovoljnijeg ponuđača
u postupku javne nabavke laboratorijskog materijala
za Lot 8 Laboratorijsko posuđe i pribor za hemijski laboratorij

I

Prihvata se preporuka Komisije za nabavke broj 07-106-9/21 od 18.11.2021. godine i Ugovor o javnoj nabavci laboratorijskog materijala za **Lot 8 Laboratorijsko posuđe i pribor za hemijski laboratorij** za potrebe Ugovornog organa dodjeljuje se ponuđaču **Sineks laboratorija d.o.o. Banja Luka** ukupnom cijenom ponude od 4.151,16 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču nakon isteka roka od 15 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke laboratorijskog materijala putem konkurentskog zahtjeva za dostavljanje ponuda broj 07-99-2/21 od 19.10.2021. godine, za koji je objavljeno obavještenje na portalu javnih nabavki pod brojem 1247-7-1-268-3-8/21 dana 19.10.2021. godine, a na osnovu Odluke o pokretanju postupka javne nabavke laboratorijskog materijala 02-464-1/21 od 18.05.2021. godine. Poziv za učešće u postupku javne nabavke je upućen sljedećim ponuđačima: KEFO D.O.O. ISTOČNO SARAJEVO, SINEKS LABORATORIJA D.O.O BANJA LUKA, EUROLAB D.O.O. BIJELJINA, ENA D.O.O. SARAJEVO, SPEKTROLAB D.O.O. BANJA LUKA i BROMA BEL D.O.O. BANJA LUKA. Tenderska dokumentacija je objavljena na portalu javnih nabavki i istu je preuzeo 21 potencijalni ponuđač.

Nabavka je podijeljena u devet (9) lotova i to:

Lot 1: ATCC sojevi

Lot 2: Serumi za mikrobiološki laboratorij

Lot 3: Gotove podloge

Lot 4: Dehidrirane podloge za mikrobiološki laboratorij

Lot 5: Laboratorijsko posuđe i pribor za mikrobiološki laboratorij

Lot 6: Membranski filtri

Lot 7: Standardne otopine

Lot 8: Laboratorijsko posuđe i pribor za hemijski laboratorij

Lot 9: Hemikalije za hemijski laboratorij

U roku za prijem ponuda za **Lot 8 Laboratorijsko posuđe i pribor za hemijski laboratorij** zaprimljene su ponude tri ponuđača: Kefo d.o.o. Istočno Sarajevo, Sineks laboratorija d.o.o. Banja Luka i Eurolab d.o.o. Bijeljina.

Komisija je konstatovala da su ponude blagovremene i ispravno zapečaćene, te da su zaprimljene ponude ponuđača koji su preuzeli tendersku dokumentaciju sa Portala javnih nabavki i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), isti dan dostavljen ponuđačima.

Nakon otvaranja ponuda Komisija je pristupila pregledu istih.

Prilikom pregleda ponuda Komisija je konstatovala da ponuda ponuđača Kefo d.o.o. Istočno Sarajevo sadrži grešku računске prirode, a koja se odnosi na sljedeće:

- za stavku 4. čija je jedinična cijena bez PDV-a 3,55 KM, ukupna cijena po stavkama bez PDV-a bi trebala da bude 71,00 KM, a kod imenovanog ponuđača iznosi 70,90 KM.
- za stavku 11. čija je jedinična cijena bez PDV-a 1,21 KM, ukupna cijena po stavkama bez PDV-a bi trebala da bude 60,50 KM, a kod imenovanog ponuđača iznosi 60,40 KM.
- za stavku 12. čija je jedinična cijena bez PDV-a iznosi 0,22 KM, ukupna cijena po stavkama bez PDV-a treba da iznosi 6,60 KM, a kod imenovanog ponuđača iznosi 6,66 KM.
- za stavku 13. čija je jedinična cijena bez PDV-a 0,45 KM, ukupna cijena po stavkama bez PDV-a bi trebala da bude 4,50 KM, a kod imenovanog ponuđača iznosi 4,54 KM.
- za stavku 14. čija je jedinična cijena bez PDV-a iznosi 0,64 KM, ukupna cijena po stavkama bez PDV-a treba da iznosi 6,40 KM, a kod imenovanog ponuđača iznosi 6,36 KM.

Shodno navedenom, evidentna je greška računске prirode, što je dovelo do promjene i ukupne cijene ponude ponuđača Kefo d.o.o. Istočno Sarajevo, obzirom da je jedinična cijena bez PDV-a mjerodavna za obračun, tako da bi cijena predmetne ponude bez PDV-a trebala da iznosi 3.835,92 KM, a ne 3.835,78 KM, odnosno 4.488,03 KM sa PDV-om, a ne 4.487,86 KM.

Komisija je kontaktirala pomenutog ponuđača kako bi isti dostavio obrazloženje za uočenu računsku grešku. Ponuđač Kefo d.o.o. Istočno Sarajevo je dostavio obrazloženje u kojem se slaže sa uočenim greškama i konstatuje da su jedinične cijene date u ponudi mjerodavne i prihvata korekciju u skladu sa jediničnim cijenama datim u ponudi pa tako ukupna ponuda ponuđača Kefo d.o.o. Istočno Sarajevo sa uračunatim popustom i bez PDV-a iznosi 3.835,92 KM odnosno ukupan iznos ponude sa uračunatim popustom i PDV-om iznosi 4.488,03 KM. O navedenim činjenicama obaviješteni su i ostali ponuđači.

Komisija je dalje utvrdila da sve ponude ispunjavaju kvalifikacione uslove za učešće u postupku sa aspekta dostavljene dokumentacije, ali da je ponuda ponuđača Sineks laboratorija d.o.o. Banja Luka dostavljena u iznosu većem od procijenjene vrijednosti predviđene za predmetni lot. Međutim, imajući u vidu da su dostavljene tri ponude te da se može zakazati e-aukcija Komisija je mišljenja da sva tri ponuđača mogu biti pozvana da učestvuju u istoj te shodno navedenom Komisija je dana 15.11.2021. godine, u skladu sa odredbama Pravilnika o uslovima i načinu korištenja e-aukcije („Službeni list BiH“, broj 66/16) zakazala e-aukciju za 18.11.2021. godine u 09:00 sati u trajanju od 15 minuta i unijela podatke prihvatljivih ponuda.

Nakon održane e-aukcije dana 18.11.2021. godine, a shodno Izvještaju o toku i završetku e-aukcije za predmetni lot, konačna rang lista ponuđača kako slijedi:

Rb	Naziv ponuđača	Cijena ponude (u KM) bez PDV-a	Umanjenje cijene	Rang
1.	SINEKS LABORATORIJA DOO BANJA LUKA	3.548,00	10,56%	1
2.	D.O.O. EUROLAB BIJELJINA	3.552,15	5%	2
3.	KEFO D.O.O. ISTOČNO SARAJEVO	3.835,92	0%	3

Shodno izvještaju o toku i završetku e-aukcije ponuđač Sineks laboratorija d.o.o. Banja Luka, sa ukupnim iznosom ponude od 3.548,00 KM bez PDV-a odnosno 4.151,16 KM sa PDV-om, je najpovoljniji ponuđač shodno čemu je Komisija dala preporuku VD direktora da ugovor o javnoj nabavci laboratorijskog materijala za Lot 8 Laboratorijsko posuđe i pribor za hemijski laboratorij za koji je proveden postupak konkurentskog zahtjeva za dostavu ponuda, dodijeli najpovoljnijem ponuđaču Sineks laboratorija d.o.o. Banja Luka sa ukupnim iznosom ponude od 3.548,00 KM bez PDV-a odnosno 4.151,16 KM sa PDV-om, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.



Dostaviti:

1. Ponuđaču
2. a/a